



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Reverendi Dom. D.|| Leonardi || Rvbeni SS. Theolo-||giae  
Licentiati Abbatis || Ordinis D. Benedicti Mo-||nasterij  
Sanctorum Apostolorum Petri & || Pauli Abdinckouensis,  
in ciuitate || ...**

**Ruben, Leonhard**

**Padibornae, 600 [i.e. 1600]**

**VD16 R 3400**

Cap. XXI. Falsos prophetas esse sanguinolentos, seductores, segregantes semet ipsos, speculatores cæcos, subdolos spiritum non habentes, templorum Dei violatores, tumidos, turbulentos, vesanos, ...

[urn:nbn:de:bvb:12-bsb10194563-1](https://nbn-resolving.org/urn:nbn:de:bvb:12-bsb10194563-1)

## CAPVT XXI.

FALSOS POPHETAS  
 esse sanguinolentos scelestos, se-  
 ductores, segregantes semetip-  
 sos, speculatores cæcos, subdo-  
 los, spiritum nõ habentes, tem-  
 plorũ Dei violatores, tumidos,  
 turbulētos, vesanos, viduarum  
 multiplicatores, voluptatum  
 amatores magis quàm  
 Dei.

**P**RI MV M in hoc capite est, eos esse san-  
 guinolentos, *Veloces enim*, psalm. 13. 3. *1. Sanguis*  
*nolenti.*  
*pedes eorum ad effundendum sanguinem. Pe-*  
*des illorum, Prouer. 1. 16. ad malum currunt,*  
*& festinant vt effundant sanguinem. Ipsi quo-*  
*que vicissim, vt est ibidem v. 18. contra san-*  
*guinem suum insidiantur, & moliuntur frau-*  
*des contra animas suas. Quorum conuentus-*  
*la non congregabit Dominus, psal. 15. 3. nec*  
*memor erit nominum eorũ per labia sua. Odie*  
*enim, Prou. 6. 17. manus effundentes innoxios*

Z 2

sanguis

*sanguinem.* Tales maximè fuerunt Iudæi, qui occiderunt Prophetas Mat. 23. 35. super quos veniet omnis sanguis iusti, qui effusus est à sanguine Abel iusti vsq; ad sanguinem Zachariæ filij Barachiz. Tales tēpore Dauidis Gentes, de quibus Psal. 78. 1. dicitur: *Polluerunt templum sanctum tuum, posuerunt morticina seruatorum tuorum escas volatilibus celi: carnes sanctorum tuorum bestijs terra. Effuderunt sanguinem eorum tanquam aquā in circuitu Ierusalem, & non erat qui sepeliret.* Talis Pilatus, qui Luc. 13. 1. *sanguinem Galilæorum miscuit cum sacrificijs eorum.* Talis synagoga hæreticorum, hoc est, mulier illa Apocalyptica, Apoc. 17. 5. *mater fornicationum & abominationum terræ, quam vidit D. Iohannes ebriam de sanguine Sanctorum, & de sanguine martyrum Iesu.* Tales fuisse Anabaptistas, Lutherū quoq; Munsterum, Phiferum, & similes, capite 5. 15. 19. & 20. diximus.

2. *scelesti*

Secundò, scelestos esse asserit D. Paulus 2. Tim. 3. *Ingrati, inquit, scelesti, sine affectione: tales tam prophetæ quàm sacerdotes, Ifai. 1. 4. Semen nequam, filij scelerati v. 28. scelesti & peccatores.* Talis Antiochus, qui 2. Mach. 5. 15. *scelestis manibus sumens sancta vasa, qua ab alijs regibus & ciuitatibus erant*

erant posita ad ornatum loci & gloriam, con-  
 trectabat indignè, & contaminabat. Postmo-  
 dum c. 7. 9. 34. sanctos Machabæos truci-  
 dabat, ac tandem capite 9. 13. in extremo  
 constitutus vitæ discrimine orabat hic sce-  
 lestus Dominum, à quo non est consecu-  
 tus misericordiam. Talis fuit Philarches 2.  
 Machab. 8. 32. Ad tales Isaias, Isai. 57. 4.  
*Super quem iurastis? super quem dilatastis os  
 & eiecistis lignam? Nunquid vos filij scelesti,  
 semen mendax?*

Tertiò sunt seductores, Sunt enim, in- 3. *seducto*  
 quit D. Paulus Tit. 1. 10. *multi inobedientes, res.*  
*vaniloqui, & seductores, maxime qui de cir-*  
*cumcisione sunt, quos oportet redargui.* Tales  
 ante Christum fuerunt mendaces prophe-  
 tæ. Vnde Isai. 9. 15. *Longæus & honorabilis*  
*ipse est caput: & propheta docens mendacium,*  
*ipse est cauda. Et erunt, qui beatificant populū*  
*istum seducentes, & qui beatificantur precipi-*  
*tati.* Jer. 23. 32. *Ecce, ego ad prophetas som-*  
*niantes mendacium ait Dominus: qui narra-*  
*uerunt ea, & seduxerunt populum meum in*  
*mendacio suo, & in miraculis suis. cū scili-*  
*cet conantur mortuos excitare, vt cap. 15.*  
*diximus. Cū ergo non misissem eos, nec man-*  
*dasssem eis: qui nihil profuerunt populo huic,*  
*dicit Dominus. Monet ergo cap. 29. 8. Non*

## 326 DE FALSIS PROPHETIS,

Vos seducant propheta vestri, qui sunt in medio vestrum & divini vestri. Tales post Christum venturi, vti vaticinatur Matt. 24. 11. dicens: *Multi pseudopropheta surgent, & seducent multos. Et quoniam abundabit iniquitas: refrigescet charitas multorum.* Similia Marc. 13. 6. Luc. 21. 8. Talis Simon Magus, qui seduxit gentem Samaritæ. Tales illi, de quibus D. Iohannes, 2. Iohan. v. 7. *Multi seductores exierunt in mundum, qui non confitentur Iesum Christum venisse in carnem: hic est seductor & Antichristus.* Quam parum ab hac re absint nostri pseudoprophetae, satis cum de pollutione Sabbathi capite 20. egimus, docuimus. De his seductoribus est illud Michææ 3. 5. *Hec dicit Dominus super prophetas qui seducunt populum meum: qui mordent dentibus suis, & pradicant pacem: & si quis non dederit in ore eorum quippiam, sanctificant super eum pralium. Propterea nox vobis pro visione erit: & tenebrae vobis pro divinatione: & occumbet sol super prophetas, & obtenebrabitur super eos dies. Et confundentur qui vident visiones, & confundentur divini: & operient omnes vultus suos, quia non est responsum Dei.*

Quartò segregant semetipsos, de his D. Iudas vers. 17. loquens ait. *Vos autem charissi-*

charissimi memores estote verborum quae praedicta sunt ab Apostolis Domini nostri Iesu gant segre-  
Christi, qui dicebant vobis, quoniam in no- metipfos.  
uissimo tempore venient illusores secundum dea  
sideria sua ambulantes in impietatibus. Hi  
sunt qui segregant semetipsos, animales, spiri-  
tum non habentes. Non enim nos ab illis  
falsis prophetis segregauimus, qui nun-  
quam cum illis fuimus: sed ipsi sese à nobis,  
qui ante eos fuimus, & ipsi nobiscum. Vnde  
D. Iohannes 1. Iohan. 4. 1. Charissimi, no-  
lite omni spiritui credere, sed probate spiritus, si  
ex Deo sint, quoniam multi pseudoprophetae  
exierunt in mundum. Et loquens de Anti-  
christis 1. Ioã. 2. 19. Ex nobis, ait, prodierunt:  
sed non erant ex nobis. Nam si fuissent ex nobis,  
permansissent utique nobiscum: sed ut manifesti  
sint quoniam non sunt omnes ex nobis.

Quintò sunt speculatores caeci, spiri- 5. Specta-  
tum non habentes. Speculatores eius caeci latores  
omnes, inquit Isaias capite 56. 10. nescierunt caeci spiri-  
uniuersi. De quorum caecitate egimus capi- tum non  
te 20. Quàm parum spiritus habeant, o- habentes  
stendit Iudas in sua epistola ver. 18. vt iam  
iam diximus. De quibus etiam superiori  
capite septimo, vbi ostendimus eos esse si-  
ne omni affectione rerum spiritualium &  
diuinarum.

Sextò sunt subdoli, ita enim eos de-  
pingit D. Paulus 2. Corinth. II. 13. dicens.  
*Eiusmodi pseudoprophetae sunt operarii,  
subdoli, transfigurantes se in angelos lucis. Hi  
linguis suis dolosè agunt Psal. 5. 7. II. & 13.  
3. Rom. 3. 13. Tales abominatur Dominus,  
Psal. 5. 7. neq<sub>3</sub> Psal. 54. 24. dimidiabunt dies  
suos. Maledictus enim dolosus, Malach. 1. 14.*  
Tales nostro tempore fraudulentè & do-  
lòsi prophetae, qui excusso sacrae religionis  
iugo ad seculum rediere. De quorum  
dolo & fraude, & foedere rupto fati su-  
perque egimus capite II. quibus con-  
uenit illud Osee 7. 16. *Reuersi sunt ut essent  
absq<sub>3</sub> iugo: facti sunt quasi arcus dolosus.*  
Cum enim antea essent destituti gratia  
Dei, dediderunt se cultui diuino, à quo po-  
stea apostatae facti, iugo Domini suauiter  
excusso, manum ab aratro Dominico amo-  
uent: & cū vxore Loth respiciunt retro: &  
ut canes reuertuntur ad vomitum, non fe-  
cus atq; si viam veritatis nunquā agnouis-  
sent. Hinc Isaias capite 73. 18. *Quasi nihilum  
possederunt populum sanctum tuum: hostes no-  
stri conculeauerunt sanctificationem tuam.*  
*Facti sumus quasi in principio, cum non domi-  
nareris nostri, neq<sub>3</sub> innocaretur nomen tuum  
super nos.* Arcus verò dolosus facti sunt,  
qui

qui sibi maximè nocet, & in animam suam venenatas, sagittas variorum peccatorum eiaculatur. *Qui enim, Psalmo decimo, diligit iniquitatem, odit animam suam. Oua aspidum, inquit propheta Isa. cap. 59. 5. ruperunt, & telas aranea texuerunt: qui comederit de ouis eorum morietur: & quod confutum est, erumpet in regulum.* Sic ex dolo suo venenum sibimetipsis hauriunt.

Septimò superbi sunt, ita D. Paulus 2. 7. *superbi* Timoth. 3. 2. *Erunt homines seipso amantes, cupidi elati, superbi.* Sic Iudæ vers. 16. *Os eorum loquitur superbiam. Audiuimus, inquit Ierem. 48. 29. superbiam Moab, superbus est valde: sublimitatem eius: & arrogantiam, & superbiam cordis eius. Ego scio, ait Dominus, iactantiam eius; & quod non sit iuxta eam virtus eius.* Tob. cap. 14. 4. *Nec superbi, inquit Iudith 9. 16. ab initio placuerunt tibi: sed humilium & mansuetorum semper tibi placuit deprecario. Inter superbos semper sunt iurgia.* Prouerb. 13. 10. *Nunquam enim nostri temporis hæretici inter se conueniunt: qui autem agunt omnia cum consilio, reguntur sapientia: vt in tanto numero doctissimorum virorum qui sacrosancto Concilio Tridentino interfuerunt, videre est.* Sic Prouerb. 11. 2.

330 DE FALSIS PROPHETIS,

*Vbi fuerit superbia, ibi erit & contumelia: ubi autem est humilitas, ibi & sapientia.* Arrogantiam illorum cap. 7. fol. 70. contumeliã c. 8. fol. 80. ostendimus: criminatores eos esse, & superbiam eorũ tantam, vt nullam dominationem patiantur capite 8. folio 82. & quòd elato sint animo, capite 9. folio 2. & quantum Luthero ipsi placeat sua superbia, ibidem folio 93. docuimus.

*& tem-  
pla Dei  
violant.*

Octauò templorũ Dei sunt violatores. Vt enim verorũ prophetarũ est promouere ædificationẽ tabernaculi & templi Domini, & ad eam rem comparare omnia, vt Exod. 35. 29. per Moysen prophetam, & per Dauidem 1. Par. 22. 14. & per Zorobabel filium Salathiel, & Iosue filium Ioseduc: & per prophetas, maximè Aggæum & Zachariam constat, adiuuantes eos. 1. Esd. capite 5. 2. & 6. 14. Aggæi capite 1. 7. 8. 14. sic familiare est hæreticis & falsis prophetis eadem euertere, & polluere, & solo adæquare. Non attendentes ad piensissimum illum zelum Dauidis dicentis Psal. 131. 3. *Si introiero in tabernaculum domus meae, si ascendero in lectum strati mei. Si dederò somnum oculis meis, & palpebris meis dormitationem. Et requiem temporibus meis,*  
*dones*

*donec inueniam locum Domino, tabernacu-  
 lum Deo Iacob.* Falsi prophetæ contrarijs  
 planè studiis agunt omnia. Hoc ipsum  
 patet ex omnibus, quæ capite 12. de fur-  
 to illorum, & pollutione domus sanctua-  
 rij, tabernaculi, templi Domini capite 20.  
 annotauimus. Quibus adde vel solas mi-  
 nas à scelerato Nicanore templo Domini  
 intentatas, & Deo vindice grauissimè pu-  
 nitas, vt cap. 6. docuimus. Adde & spolia  
 templi ab Antiocho facta, & pœnam scele-  
 ri debitam post feram pœnitentiam ex 2.  
 Mach. cap. 9. Adde & iuuenes illos, & vir-  
 gas in corpus Heliodori sacrilegi, 2. Mach.  
 3. 26. expeditas, confer cum violatoribus  
 nostrorum templorum, quos copiosissi-  
 mos habuit hoc seculum. Adde templa  
 sanctissima quæq; ab illis perniciosissimè  
 habita fuisse, non minùs quàm tempore  
 D. Augustini sacramenta ac sacras scrip-  
 turas tenuerunt ad speciem & ad phantaf-  
 matum suorum imagines, vt D. Augusti-  
 nus tom. 7. de baptismo lib. 3. cap. 19. pro-  
 bans id ex Ezechielis cap. 16. *Quacunq;* in-  
 quit, *seductores integra & legitima tenent,*  
*nec ea etià sibiipsis arrogarent, & quasi propria*  
*vendicarent, nisi à plebibus seductis vicissim*  
*seducerentur, cum eis creditur, & tales honores*  
*defe-*

deferuntur & per eos habeant potestatem talia dicendi & sibi talia vindicandi, & error eorū veritas appellatur, & scelus eorū iustitia putatur propter sacramenta & scripturas, quas tenent ad speciem, non ad salutem. Ideoq; & per Ezechielem fornicaria dicitur. Et protulisti de vasis gloria tua de auro meo, & argento meo, ex quibus dedi tibi, & fecisti tibi imagines masculinas, & fornicata es in eis, & accepisti vestem meam versicoloriam & cooperuisti idola tua, & oleum meum & incensum meum imposuisti ante faciem idolorum tuorum, & in odorem bene olentem fecisti hac. Ad imagines enim phantasmatum suorum, cum quibus volutari carnalis anima delectatur, conuertit omnia sacramenta, & verba librorum sanctorum. Sic eodem tom. lib. 2. contra Cresconium cap. 10. dicit eos quidem habere nostra sacramenta, sed eos ea perniciosè tractare.

9. tumidi Nonò sunt tumidi, sic 2. Timoth. 3. 4. Proditores, inquit, proterui, tumidi. Habent labia tumentia. Prou. 26. 23. atq; adeo tota illorum Synagoga ita tumet, vt verè illis conueniat id Isai. 1. 6. *A planta pedis usq; ad verticem capitis non est in eo sanitas, vulnus, & liuor, & plaga tumens: non est circumligata, nec curata medicamine, neq; fota oleo.* Tantò

Tantò certè grauior plaga, quantò minus animaduertitur, & quantò minus fouetur oleo. Vnde tales facilè in perditionè ruunt, & tum maximè, cùm principio sunt proximiores. Sic Aman Ester 16. 12. cùm in tantum arrogantiae tumorem sublatus est, vt regno Mardocheum ceterosq; Iudeos priuare niteretur, in malam crucem actus est. Tales & miseri Iudæi, ad quos Moyfes Deuter. 1. 43. *Locutus sum, & non audistis, sed aduersantes imperio Domini, & tumentes superbia ascendistis in montem. Itaq; egressus Amorrhæus, qui habitabat in montibus, & obuiã veniens persecutus est vos, sicut solent apes persequi: & cecidit de Seir vsq; Horma, cùmq; reuersi ploraretis coram Domino, non audiuit vos, nec voci vestrae voluit acquiescere. Quomodo Deo & Ecclesiæ Doctoribus, & sanctis Patribus semper restiterint falsi prophetae, fatis ex capite 9. patet. Quid ergò, vt loquar cum Eliphaz Themanite Iob. 15. 12 *te eleuat, Luthere, cor tuum, & quasi magna cogitans, attonitos habes oculos? Quid tumet contra Deũ spiritus tuus? Memineris Principum impiorum Madian, Oreb & Zeb, quorum tandem impij & superbi conatus repressi: & vbi occisi, vt est cap. 8. Iudicũ, requieuit spiritus eorum, quo tumentes**

contra

contra electos Dei. Vnde Dominus eos minimè timendos indicauit Deut. 18. 20. *Propheta, inquit, qui arrogantia deprauatus voluerit loqui in nomine meo, quæ ego non præcepi illi ut diceret, aut ex nomine alienorum Deorum, interficietur. Quod sit acita cogitatione responderis. Quomodo possum intelligere verbum, quod Dominus non est locutus, hoc habebis signum, quod in nomine Domini propheta ille dixerit, & non euenerit: hoc Dominus non est locutus, sed pertumorem animi sui propheta confinxit: & idcirco non timebis eum.* Vide quæ cap. 9. & superius membro septimo de illis diximus.

to. tumultuosi.

Decimò sunt tumultuosi, ad quam rem facit Erasmi de Luthero & eius asseclis testimonium. Ait enim in libro illo, quem tertium scripsit de libero arbitrio: *Certè multi Lutheri discipuli ad publicam tranquillitatem adeo sunt inutiles, ut Turca quoque feratur execrari Lutheranorum nomen seditionis odio; cùm Christianos toleret ab ipsius dogmatibus alienos.* Sed & Lutherus in Psalmum 5. scribens ait. *Christus non alia ratione confligit cum hæreticis, quam ut inter illos existat factiosus quidam dissensionis spiritus.* Est enim in illis tumultus murmurationum, qui Sap. 1. 10. non absconditur & Sap.

Et Sap. 25. Omnia commista sunt in eis, sanguis, homicidium, furtum & fictio, corruptio & infidelitas, turbatio & periurium, tumultus bonorum, Dei immemoratio. Sic Eccles. 40. 4. Furor, zelus, tumultus, fluctuatio immutat scientiam eorum. Hinc tot cum nouo Evangelio tumultus excitati sunt, partim foris, bellici: partim intus, domestici: quorum pœnam Dominus inquit, Isai. 30. 12. Sperastis, inquit, in calumnia & in tumultu, & innixi estis super eo: propterea erit vobis iniquitas hæc sicut interruptio, cadens, & requisita in muro excelsõ, quoniam subito dum non speratur, veniet contritio eius. Et comminuetur, sicut conteritur lagena figuli contritione praua valida: & non inuenietur de fragmentis eius testa, in qua portetur igniculus de incendio, aut hauriatur parum aque de fovea. Quia hæc dicit Dominus Deus sanctus Israel, Si reuertamini & quiescatis, salui eritis, in silentio & in spe erit fortitudo vestra. Et nolulistis: & dixistis, Nequaquam, sed ad equos fugiemus ideo fugietis. Et capite 25. 5. Sicut aestus in siti, tumultum alienorum humiliabis: & quasi calore sub nube torrente propaginem fortium marcescere facies. Quibus & v̄æ sempiternum minatur Isaias c. 17. 12.

U

*Vae multitudo populorum multorum, ut multitudo maris sonantis: & tumultus turbarum, sicut sonitus aquarum multarum. Sonabunt populi sicut sonitus aquarum inundantium, & increpabit eum, & fugiet procul: & rapietur sicut pulvis montium a facie venti, & sicut turbo coram tempestate. In tempore vespere, & ecce turbatio: in matutino, & non subsistet. hac est pars eorum qui vastauerunt nos, & fors diripientium nos.*

Vndecimò sunt vesani & stulti. Hinc  
 11. Sunt Sophoniæ 3. 4. *Propheta eius vesani, viri infideles: sacerdotes polluerunt sanctum, iniuste egerunt contra legem. Infidelitatem in fcedere erga Deum ostendimus cap. II. sanctum polluisse, cap. 20. similiter legem ipsam combussisse. Vesani habent non dissimilem vesaniæ Balaam, cuius mentio est Num. 22. quos describit D. Petrus 2. Pet. 2. 12. dicens. Hi velut irrationabilia pecora, naturaliter in captionem & perniciem, in his que ignorant blasphemantes in corruptione sua peribunt, percipientes mercedem iniustitiæ, voluptatem, existimantes diei delicias, conquisitiones & macula: delicijs affluentes, in conuiujs suis luxuriantes vobiscum, oculos habentes plenos adulterij & incessabilis delicti. Pellitantes animas instabiles, cor exercitatum a-*  
*uaritiæ.*

*vanitas habentes, maledictionis filij; derelinquentes rectam viam errauerunt, secuti viam Balaam ex Bosor, qui mercedem iniquitatis amavit. correptionem verò habuit sua vesania. subingale mutū animal hominis voce loquens, prohibuit propheta insipientiam. Hi sunt fontes sine aqua, & nebula turbinibus exagitata, quibus caligo tenebrarum reservatur. Superba enim vanitatis loquentes, pelliciunt in desiderijs carnis luxuria, eos qui paululum effugiunt, qui in errore conuersantur, libertate illis promittentes, cum ipsi serui sint corruptionis, a quo enim quis superatus est: huius & seruus est. Quid hinc est Christiane lector, quod vesaniam falsorum prophetarum non attestetur? Aliud vesaniae genus tradit Artaxerxes Ester 16.5. de impio Aman & eius affeclis. In tantum, inquit, vesania proruperunt, ut eos qui credita sibi officia diligenter observant, & ita cuncta agunt, ut omnium laude digni sint, mendaciorum cuniculis conentur subvertere, dum aures Principum simplices, & ex sua natura alios estimantes, calida fraude decipiunt. Vt de illorum fraude cap. 12. & de mendacijs cap. 10. & 19. diximus. Vesaniam etiam Lutheri toties in suis scriptis dogmata sua mutando, ubi semper noua placita & dogmata suppul-*

Aa

lularunt

*Aman  
vesania.*

lularunt: demonstrauimus. *Stultus enim ut luna mutatur*, inquit Ecclesiasticus c. 27. 12. *Isaias verò 32. 6. Stultus*, inquit, *fatua loquetur, & cor eius faciet iniquitatem, ut perficiat simulationem, & loquatur ad Dominum fraudulenter, & vacuum faciat animam esurientis, & potum sitienti auferat.* Quòd per stultitiam operentur iniquitatem, queritur Ieremias Thren. 2. 14. *Prophetae tui viderunt tibi falsa & stulta: nec aperiebant iniquitatem tuam, ut te ad poenitentiam prouocarent: viderunt autem tibi assumptiones falsas & eiectiones. Scitote Israel*, inquit Oseas capite 9. 7. *stultum prophetam, insanum virum spiritualem, propter multitudinem iniquitatis tue & multitudo amentiae.* Quasi dicat, ut iniquitas ita & amentia, maxima iniquitas, maxima in propheta & populo tum amentia, tum vesania.

Duodecimum in hoc capite est, quòd multiplicant viduas. Hinc Ezech. 22. 25. *Coniuratio prophetarum in medio eius: sicut leo rugiens rapiensq; pradam, animas deuorauerunt, opes & pretium acceperunt, viduas eius multiplicauerunt in medio illius.* De qua re postea capit. 23. cum de natura leonum agemus. Tales erant, de quibus Isai. 1. 23. *Pupillo non iudicant, & causa viduae non ingredi-*

Vir ad illos. Talibus minatur Malach. 3. 5.  
*Accedam ad vos in iudicio, & ero testis velocis  
 maleficis & adulteris, & periuris, & qui ca-  
 lumniantur mercedem mercenarij, & hu-  
 miliant viduas & pupillos, & opprimunt  
 peregrinum, nec timuerunt me dicit Do-  
 minus exercituum. Hunc testem velocem  
 non expectabit pientissimus Iob, qui per  
 apophiesin cap. 31. 16. inquit, Si negaui  
 quod volebant, pauperibus, & oculos viduæ ex-  
 pectare feci. Si comedi buccellam meam solus,  
 & non comedit pupillus ex ea.*

Decimum tertium & postremum est,  
 quod sint voluptatū magis amatores quā  
 Dei, vt est 2. Tim. 3. 4. iam sæpe repetitum,  
 & docebit hoc præteritum caput 17. & 18.  
 & paulò post caput 24. vbi de natura &  
 cauda lupi agemus. Et hæc breuiter suffi-  
 ciant de pseudoprophetarum vitijs & pra-  
 uis animi affectionibus. Nunc paucis agen-  
 dum erit, quibus animalibus & rebus  
 sint similes in sacris literis falsi  
 prophetae.

\* \* \*

Aa ij

QVI

13. Volu-  
 ptatū ma-  
 gis ama-  
 tores quā  
 Dei.